

UGOVOR
O SNABDIJEVANJU DIZEL GORIVA D5

Zaključen u Sarajevu dana 01.04.2020. godine

UGOVORNE STRANE:

1. „*Direkcija za robne rezerve Kantona Sarajevo*“, ulica Alipašina b.b. (u daljem tekstu: **Kupac**), ID broj: 4200173840008, zastupana po direktorici Jeleni Pekić, mag. oec. i
2. „*El Tarik Oil d.o.o. „Sarajevo*“, sa sjedištem u Sarajevu, ulica Ćamila Sijarića broj 26 (u daljem tekstu: **Prodavac**), ID broj: 4200031380000, zastupan po direktoru Čengić Bakiru

Član 1.
(Predmet ugovora)

Predmet ovog Ugovora je snabdijevanje i isporuka dizel goriva D5 (10ppm) za potrebe motornih vozila Kupca.

Snabdijevanje i isporuka će se vršiti putem benzinske stanice Prodavca, u ulici Halida Kajtaza b.b., P.J. Velešići, Sarajevo.

Predviđene okvirne količine koje će biti isporučene kao predmet Ugovora su cca 2000 litara Dizel goriva D5 (10 ppm).

Član 2.
(Vrsta i kvalitet goriva)

Prodavac će kupcu isporučivati Dizel gorivo kvaliteta DIZEL BAS EN 590, u skladu sa Pravilnikom o utvrđivanju kvaliteta tečnih naftnih goriva („Službene novine FBiH“, broj: 107/14), u skladu sa Zakonom o naftnim derivatima FBiH („Službene novine FBiH“, broj: 52/14) i prema zahtjevima Odluke o kvalitetu tečnih naftnih derivata („Službeni glasnik BiH“, br. 27/02, 28/04, 16/05, 14/06, 22/07, 101/08, 71/09, 58/10 i 73/10).

Kvalitetu goriva kontrolira RGH Inspekt i na zahtjev Kupca, Prodavac je dužan predočiti certifikat o kvaliteti.

Član 3.
(Cijena)

Na snazi je Odluka Vlade FBiH o slobodnom formiranju cijena („Službene novine FBiH“, broj: 52/00).

Stoga su jedinične cijene iz ponude promjenjive, ovisno o kretanju cijena na domaćem i svjetskom tržištu i dokazuju se OPC obrascem ovjerenim od Ministarstva trgovine Federacije Bosne i Hercegovine. Cijene roba važe na dan isporuke.

Prodavac odobrava Kupcu popust u iznosu od **0,23 KM/litar** za dizel gorivo.

U slučaju da Kupac ne izvrši plaćanje faktura za isporučenu robu u dogovorenom roku, Prodavac nema obavezu davanja dogovorenog popusta.



Član 4.

(Uslovi isporuke)

Prodavac i Kupac sporazumijeli su se o prihvatanju uslova isporuke, a kako slijedi:

- a) Prodavac se obavezuje da će za vrijeme trajanja Ugovora snabdjevati Kupca naftnim derivatima;
- b) Nabavka robe vršit će se na benzinskim stanicama Prodavca;

Član 5.

(Način isporuke i preuzimanje)

Isporuka i preuzimanje (prijem) robe vršit će se na slijedeći način:

- a) Kupac će Prodavcu dostaviti ovjeren i potpisan spisak vozila i ovlaštenih lica koja mogu preuzimati naftne derivate;
- b) Evidentiranje utočenih količina goriva na benzinskoj stanici se očituje potpisom ovlaštene osobe od strane Kupca na elektronski štampanoj otpremnici za preuzetu robu. Otpremnica sadrži: datum, registarski broj vozila, vrstu preuzetog goriva, količinu, jedinicu mjere, ime osobe koja je preuzela gorivo, potpis osobe koja je preuzela gorivo, broj lične karte osobe koja je preuzela gorivo, broj putnog naloga;
- c) Na traženje Kupca, Prodavac će količinu utočenog goriva ovjeriti na putnom nalogu Kupca.
- d) Identifikacija osoba koje su ovlašćene da vrše preuzimanje goriva će se vršiti putem ličnih dokumenata.
- e) Promjena ovlašćenih lica za utakanje goriva treba biti blagovremeno najavljena u pismenoj formi.
- f) Kupac je dužan obavjestiti Prodavca o svim novonastalim promjenama u smislu promjene sjedišta firme ili promjene statusa firme.

Član 6.

(Fakturisanje)

Fakturisanje robe vršit će se jednom mjesečno u skladu sa isporučenim količinama.

Isporučenu, odnosno preuzetu količinu robe iz člana 1. ovog Ugovora Kupac je dužan platiti u roku od petnaest (15) dana od dana izdavanja fakture, a sve u skladu sa ponudom od 27.03.2020. godine i obavještenju od 31.03.2020. godine.

Prodavac ima pravo Kupcu usloviti, ograničiti ili obustaviti dalje isporuke robe, odnosno izdavanja robe u slučaju da Kupac neuredno vrši plaćanje.

Za kašnjenje u izmirenju obaveza nakon utvrđenog roka plaćanja Prodavac će Kupcu zaračunati propisanu zakonsku kamatu.

Član 7.

(Period trajanja ugovora)

Ovaj Ugovor se zaključuje na period od 01.04.2020. godine – 01.04.2021. godine, sa mogućnošću automatskog produženja ugovora, ali ne duže od 3 godine.

Ugovor stupa na snagu danom potpisivanja obje strane.

Svaka od ugovornih strana ima mogućnost jednostranog raskida ugovora, s tim što otkazni rok traje šezdeset (60) dana, računajući od dana kada je druga strana primila pismeni otkaz.

Član 8.

(Nemogućnost izvršavanja obaveza)

Ugovorna strana koja zbog djelovanja više sile bude spriječena u izvršenju ugovorne isporuke ili preuzimanja robe ili plaćanja ugovorenog iznosa, dužna je drugu stranu o tome obavjestiti u roku od 24 sata.

Ugovorne strane će se tada sporazumjeti da li će se utvrditi drugi rok za isporuku odnosno primanje ili plaćanje robe.

Pod višom silom podrazumjevaju se događaji koji se ne mogu predvidjeti subjektivnom voljom ugovorne strane.

Član 9.

(Tajnost)

Svi uslovi i elementi ovog ugovora treba da ostanu u tajnosti i obje ugovorne strane su dužne taj princip poštovati.

Član 10.

(Rješavanje sporova)

Eventualne sporove ugovorne strane rješavat će sporazumno, a ako to ne bude moguće sporove će rješavati nadležni sud u Sarajevu.

Član 11.

(Primjerci ugovora)

Ugovor je sačinjen u dva istovjetna primjerka, od kojih svakoj strani pripada po jedan jedan primjerak.

PRODAVAC

DIREKTOR

Čengiđ Bakir

Broj: 07/04/20 DERES
Datum: 01.04.2020. godine

KUPAC

DIREKTORICA

Jelena Pekić, mag. oec.

Broj: 02-25-139-23/20
Datum: 01.04.2020. godine

